

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Symbolum LXIII. Iphigenia, Regis Agamemnonis filia, ad aram victima.

[urn:nbn:de:hbz:466:1-68709](#)

V. (g) Denique libet h̄c addere tritum adagium: *Evitata charybdi in Scyllam incidi. Id versu exprimitur.*

Incidit in Scyllam, qui vult vitare charybdin. Quō bifariam uti licebit: vel cūm admonebimus, si quando in eas rerum angustias devenit fuerit, ut citra dispendium discedi non queat, ē duobus malis, id, quod est Ievius, eligamus: vel cūm ostendemus negotium anceps & periculorum, in quo summa moderatione sit opus, ut in neutram partem peccetur. Non raro nocuit, nimium vela permisisse ventis; tumor ipse & inflatio navium allisit in scopulos, & fregit. Securius aliquando, eti lentiū utimur remis. Velocior cursus festinat ad pericula. Multos perdidit fortuna secundior, qui rebus adversis tutō jactabantur; Servati sunt in calamitatum charybdi; Scyllam repererunt in felicitate. Tanti refert inter Charybdin & Scyllam navigant, velis præcipitet navim, an torqueat remis. Ancipiūt qui malo premitur, minus eligit. Et sāpē discrimen unum alio pertumpendum est.

(g). E Charybdi in Scyllam.

SYMBOLVM LXIII.

Iphigenia, Regis Agamemnonis Filia, ad aram
viōima.

12. Metam. Homeris lib. 2. Iliad.

Ethicē.

1. Dæmonis crudelia sacrificia.
2. Innocens pro nocente plectitur.
3. Charitas patriæ.
4. Auxilium Dei subitum.

COnjurati in Phrygiæ perniciem Græci Principes, cum navibus mil-
le centum octoginta sex, ut Homerus refert: ut verò Dictys Cre-
tentis cum mille ducentis nonaginta quinque: seu ut Dares Phry-
gius habet, mille centum quadraginta navium classe, reliquoque belli
apparatu in Aulide, Bœotia portu, convenerant, ut inde pariter ad
everendum regnum Trojanum, ulturi injurias à Paride, Helenam, Me-
nelai regis, uxorem perfidè rapiente, illatas, navigarent. Antequam
solverent, cūm Jovi sacrificare vellent, ecce serpens platanum, aræ im-

A a a minen-

minentem, ascendit; ac primum pullos passerum octo, qui aderant; deinde advolantem huc matrem, in niço devoravit. Ex quo, admirantibus aliis, collegit *Calchas* augur, bellum novem annos duraturum, ac decimo demum anno Troiam captum iri. Cæterum serpens ille ad perpetuam rei memoriam in saxum à Diis fuit commutatus. Eo in porta morantibus Achivis, tanta præter omnem spem repente extitit cœli, mafisque tranquillitas, ut quiescentibus omnibus ventis, iter navibus ingredi facultas nulla esset. Cùmque placiditas illa per plures obtineret dies, & videretur mare omnino navigationem abnuere; exercitus molestè ferens, se tempus terere, nihil agendo: cogit Calchancem vatem edere hujus difficultatis causas. Tergiversatur ille primùm, metu Agamemnonis, nec vult pandere mysteria, quæ noverat. Sed universis, eum minis & convitiis, urgentibus Græcis, ac potissimum ipsis ducibus, edit Oraculum: Vehementer iratam Dianam toti exercitui, negare abeundi copiam Græcis. Causam esse Agamemnonis errorem, qui cervam illi Divæ dilectam, sagittis confecerit. Hujus iram placari, mitigarique aliâ ratione non posse, quâm si natarum Agamemnonis maxima, & Virgo jam nubilis, ad aram ipsius Diana immolareetur. Quod factò, nihil illos dubitare jubebat, de ventis secundis & navigatione prospera. Victus cùm omnium copiarum, rum maximè ducum consensu, pater Agamemnon, tandem consentit & ipse in necem filiæ. Mittitur Mycenas Ulysses, vir vafermissimus, qui mentitus Achillis, Græcorum præstantissimi nuptias, matri Clytemnestra persuadeat, ut filiam secum in castra mittat. Reversus inde cum Iphigenia; puellam longè formosissimam, & omnia alia sperantem, sistit ad aram, Diana mactandam. Sed innocentis Virginis vicem miserata Dea, cervam pro illâ jugulandam ex improviso substituit: ipsam verò Iphigeniam, in Tauricam Chersonesum translatam, templi sui, quod ibi erat, fecit antistitem. Immolata cervâ,

Accipiunt ventos à tergo mille carinæ

Multaque perpresso, Phrygia potiuntur arenâ.

Pindarus tamen & Pausanias, alii, cæsam fuisse asserunt Iphigeniam, ex more Scythicæ Diana, cui litatum victimis humanis. Subscribit Virgilius. 2. Æneid:

----- Eurypylum scitatum oracula Phœbi
Mittimus, isque adytis hæc tristia dicta reportat;
Sanguine placantis ventos & Virgine cæsa,

Cum



Cum primūm Iiacas Danai venistis ad oras
Sanguine quærendi reditus , animaque litandum
Argolica.

Ethica.

Apparet hinc. I. (a) Cacodæmonis in genus humanum crudelitas , cui perquam familiare est , humanas hostias , & inter eas , postissimum puerorum ac Virginum cædes , cultoribus suis imperare. Immania sunt auditu , nedum factu , quæ de nefandis ejus sacrificiis leguntur. Historia divina non uno refert loco execrandam parentum religionem , filios suos horribili cum cruciatu per ignes traducentium , & idolo Moloch immolantium. Semel D E U S verus imperavit Abraham , filium ut sacrificaret ; quod tamen perfici noluit , contentus præparatione mentis ad obsequium. Dii falsi , dæmones videlicet , gentis humanæ inimicitia & inadvertia ducti , non contenti sunt promptitudine voluntatis : re ipsa filios & filias à parentibus victimariis postulant. Hanc veterum Hebræorum infandam superstitionem deplorat David psal. 105. *Immolaverunt filios suos , & filias suas damoniis , & effuderunt sanguinem innocentem filiorum suorum , & filiarum suarum , quas sacrificaverunt sculptilibus Chanaan.* Et ecce simios orcinos Majestatis divinæ simulacra. Abraham filium immolaturo pro victimâ , suppositus est aries ; mactandæ Iphigeniaz substituta cerva. Taceo vetera superstitiones crudelitatis exempla. Josephus Acosta , auctor insignis , refert in commentariis de moribus Pervanorum : hanc apud ipsos obtinuisse consuetudinem , ut quoties novus rex inauguretur , bis centum pueri , in honorem novi principis mactarentur. Cujus rei miserabilis facies eti omnen truculentiam superare videtur ; dirius tamen & immanius est , quod de Mexicanis scribit vir religiosus ex Ordine S. Francisci , in epistola ad sui Ordinis congregationem habitam Tholosæ an. 1532. nimirum in sola illa civitate , cum diabolus illic coleretur , quotannis plus quam viginti millia cordium puerorum & puellarum solita fuisse Stygio tyranno offerri. Henricus Engel. Dom. XI. Pentec. Et mirandum sane est , omnis impuritatis spiritum tantopere puerorum ac Virginum cæde , & sanguine delectari , qui virginitatem & castitatem summo persequitur odio. Nempe vafermissimus alastor etiam in hoc æmulatur Deum , cui placet non modò Sacerdos , sed etiam victima sancta , innocens , impoluta , immaculata.

A a a z

Sie

(a) *Damonis crudelias sacrificia.*

Sic Plutarcho narrante lib. de superstitione. Carthaginenses Saturno filios immolabant, & qui nulos habebant, à pauperibus miserabiles victimas emere cogebantur. Adstabat in ipso sacrificio mater rigida & absque gemitu: si enim ingemuisset, jacturam faciebat & honoris & filii. Interim ante statuam omnia tibiarum cantu & tympanorum pulsu personabant, ne quis clamor exaudiretur. O diabolicam tyrannidem! quæ ne gemitus quidem esse liberos permittrit, ut nomen habeat religionis infanda laniena, sine lacrimis peragenda, sine suspirio est spectanda; in abominationis sacris *hilarem datorem* exigit tartareus latro. Hic idem sub Achilleæ umbræ prætextu, *Polyxenam virginem*, Priami regis filiam, sibi immolari voluit. Hic *Iphigeniam regalem*, & spectata pudicitia pueram, deposita: Hæc est illa servitus, hic cultus, qui juratis Dei hostibus dæmonibus, sanguinis humani, in odium Creatoris, appetentissimis sub specie deorum & dearum exhibetur. Et utinam haec sacrificia detestanda à solis idolorum cultoribus perpetrarentur! Etenim ut nihil dicam de parentibus, sanctiore religione imbutis, qui liberos suos malâ educatione perversos & corruptos, miserrimo diaboli mancipati tradunt; quam multi resperiuntur libidine perditæ juvenes, virique, qui statuunt aram idolo suo non Diana, sed Veneri, & victimam ei dedicant (horret animus dicere) pudorem Virginibus erectum. O nefandos popas! quorum lascivia tanto fit irritior, quanto puellaris integritas est expugnata difficultior. Quoties in hoc propudiioso Sacrificio Victimarius simul & victimæ, nil miseranti cedit orco. Paradigma ex Pausania afferro, qui in Achaicis, lib. 7. hæc habet. Cum multi è Calydoniis, furoris & vesania novo quodam morbo corriperentur, atque partim interirent: consultum fuit de mali remedio, Jovis Dodonæi, clarum illis temporibus per Epirum, Oraculum. Responsum est, unam esse atque solam placandi numinis rationem: Si ad Liberi patris aram *Callirrhoë* Virgo Ætolica, vel ipsa, vel alius aliquis, qui se pro illa devovisset, immolareetur. Difficile erat reperiire, qui pro puella mori optaret. Iḡitur *Callirrhoë*, cum frustra deprecando necem, nihil obtinuisse, cædi destinata est. Ad aram ergo ducta cum insulis, fertis, & omni sacrificiorum apparatu, Cræso Sacerdoti mirificè placuit; qui, cum antea quoque pueram deperiisset, & nosset vicaria morte redimi illam posse, victus amore & miseratione, in Virginem quidem pius & benignus: in se autem crudelis extitit, factus pro illa hostia succidanea. Suis enim manibus confossus, accersivit sibi lethum. Commota rei spectaculo

culo Callirhoë, stuporéque attonita, in miserationem tam diri officii versa, ipsa quoque semet ad fontem, qui haud procul abest à portu Calydonis, turibunda jugulavit. Sic Cacodæmon duplex nactus sacrificium, dum virginem petit, simul amatorem haurit, & gemina nece pulchrè sibi litatum ostendit. Seilicet ad aram Bacchi cadebat hic Sacerdos, à qua proximus est ad aram Veneris transitus.

II. (b) Iphigenia Virgo pudica & casta, ob Helenæ nefarii scorti noxam, sub ipsa belli auspicia, immeritâ morte occumbere debuit. Ferè ita fit, ut ob unius atque alterius cuiusdam portentí flagitia, quandóque integrerrimi homines plectantur, Poëta teste:

Dimitit corvos, vexat censura columbas.

Non raro trahitur ad aram cädenda innocentia; & absolvitur scelus, hoc felicius, quò vesanius. Exultat impius, premitur pius; & in aliena piacula, succedit victima, *Probitus*. Sapientis viri dictum est: *Pau-
corum culpa, multorum pœna*.

III. (c) Agamémnonem laudans Ovidius canit:

----- postquam pietatem publica causa,
Rexque patrem vicit, castumque datura cruentum,
Flentibus ante aram stetit Iphigenia ministris:
Victa dea est, nubemque oculis objecit, & inter
Officium, turbamque sacri, vocesque precantum,
Supposita fertur mutasse Mycenida cerva.

Charitas, quam pro officio suo reipublicæ debebat Rex, plus potuit, quam amor, quem filia debebat pater. Sapienter. Propter patriam sua cuique nedum cuiusdam suorum, vita negligenda est. *Curtius* in profundam voraginem se cum equo immittens, vitam patriæ libertati posthabuit. Genutius *Cippus* Prætor, regno prætulit exilium: cùm enim responsum accepisset, regem fore, si in urbem revertisset, voluntarium sibi exilium indixit. Duo *Decii* pro Reipubl. incolumentate se devoverunt, è quorum sanguine insperata victoria emersit; vita illorum victoriæ oberat, mors fecit, ut vinceretur hostis. Inter laudanda exempla, *Codri* Atheniensium Regis est, qui interitu suo fecit, ne Athenæ perirent: Et *Themistoclis*, qui exceptum patera tauri sanguinem, institutō sacrificio, hausit, ne oppugnare, à qua exulabat, patriam Persici exercitus dux factus cogeretur. E sacris paginis habemus *Iephren*, qui unigenitæ filia cæde, voti religionem exsolvit, & patriæ salutem peperit. Græcis, inquit, Flosculorum historicorum scriptor, facinus hoc placuit, qui Iphigeniam iisdem tempo-

A a a 3 ribus,

(b) *Innocens pro nocente plectatur. (c) Charitæ patriæ.*


ribus, nimis anno Mundi 2850. ab Agamemnone mactatam afferunt; ita Dœmone per omnia satagente ad Dei imitationem assurgere.

IV. (d) Quod si placeat etiam ex cerva Iphigeniae supposita, doctrinam capere, possis hinc discere auxilium Dei rebus in arctis, tam opportunum, quam insperatum. Hinc David eum saepius *Adjutorem & Protectorem in tribulatione*, seu in rebus adversis vocat. Proverbio dicitur: *Dens è machina*: quoties salus ex insperato ostenditur, & in summo discrimine, præter spem adest auxilium. Sumptum à consuetudine tragœdiarum, in quarum plerisque, deus aliquis machinis quibusdam improviso ostendebatur è sublimi, qui res turbatas componeret. Ita Iphigeniae, inter sacrum & saxum, inter cultrum & aram sacrificalem media, repente succurrit Diana. Fabulosum hoc quidem; at veritas ex historia sacra enotescit. Solet enim Deus verus rebus in extremis constituto, & jam deposito ac conclamato subito manum porrigit, & opem ferre. Sic Abrahamo jam jam gladium in Isaacum suum vibranti, medium se genius è cœlo delapsus interposuit & inter cervicem feriendi, ac ferientis brachium intervenit, victimamque simul ac sacerdotem promptæ voluntatis obsequio gloriosos, insperato gaudio affecit. Jobus hoc expertus, ait, cap. 11. *Quasi meridianus fulgor consurget tibi ad vesperam: & cum te consumptum putaveris, orieris ut Lucifer*, id est, cum tibi adeste credideris diem ultimum, & solem occasum, tunc repente lux meridiana felicitatis affulgebit, & mediis in tenebris jubar divinæ ptovidentia orientur. Ut exorta est Susanna, quam nequissimorum serum calumnia, destinatam morti hostiam, repente consurgens Daniel, etiamnum adolescens, periculo subtraxit. *Deum è machina* dices; et si ex alto non apparebat, sed extuba populi subito coortus. Scilicet

Major agit Deus, atque opera ad majora reservat.

Ita legimus in historiis profanis, Virginem quandam Valeriam, ad averruncandam pestem, ex Oraculo immolandam Junoni fuisse, cum devolans aquila victimarium cultrum rapuit, cundémque bucule juxta templum pascenti infixit. Caussin. in Symb.

ex Aristide lib. 9.



S Y M.

(d) *Auxilium Dei subitum.*